

Шогшо эл, порылык да гим верр!



Будь готов/ Ямде-лий

1933 ий 1 февраль годсек лектеш.

0+



Фотопроект

#ВсеБудетИНКиМК

Пагалыме лудшына-влак!

Тўня мучко шакше чер шар-лен. Тудо шуко нелылыкым конден, но илышым чарен шогалтен от керт. Черланат мучаш лиеш. Подписке тургым-нат чер шарлыме жап дене келшен толын. Сандене моткоч тургыжланена: лудшына-влак 2020 ийын кокымшо пельшты-жат газет деч посна ынышт код, шонена. «Ямде лийлан» кузе возалтшашым айста пырля рашемдена.

Подписке

Кугурак-влак: ача-авада, иза-акада, коча-ковада – деч, почтыш миен, подпискым ышташ йодса. Связь отделений-влак (почто) пашам ыштат. Ак – 346 тенгеат 62 ыр.

Почтальон-влак пашаштым кўрылтде ыштат. Нунат кви-танций дене подпискым ыштен кертыт. Ак – тугаяк.

Эн сай йон – ОНЛАЙН-под-писке. Тидлан POD-RISKA.ROCHTA.RU сайтыш пурман але «Почта России» мобильный при-ложений гоч возалтман. Огыда мошто гын, иза-акадам йодса.

20 гыч 30 апрель марте Россий мучко **ПОДПИСЧИ-КЫН ДЕКАДЫЖЕ** эртарал-теш. Нине кечылаште «Ямде лий» газетлан шулдырак ак дене возалтын кертыда. Ак – 298 тенгеат 62 ыр.

СНИМКЫШТЕ Волжский район Карай школышто 9-ше

классыште тунемше Дарья Захаровам ужда. Йошкар-Олаште эртаралтше марий йылме да литератур дене регион-влак коклаше олимпиадыште тудын дене палыме лийме да фотом ыштыме. Дарья марий йылме дене олимпиадыште иктагашыже-влак коклаште икымше верым сеген налын. Туныктышыжо – Любовь Анатольевна Сергеева. Ёдырҗен спортлан шўман: баскетбол дене школын командыштыже модеш. Нуно республикысе тагасымаште кокымшо верыш лектыныт. Ты сенгымаште Дарьянат надырже уло. Яра жапыште мистике сынан ойлы-маш-влакым возкала. Ончыкыжым книгаш чумыраш шона.



Тергыме пашам шыжым возат

Российысе просвещений министерствын увертарымыж почеш, 4-8-ше, 10-шо класслаште тунемше-влак всероссийский тергыме паша-влакым (ВПР) вес тунемме ий тўналтыште возат. «Тергыме пашалан отместке ок шындалт. У тунемме ий тўналтыште йочан шинчымашыже аклалтеш. Тыге туныктышо-влак тунемшын могой темым умылен шуктыдымыжым пален налыт», – ойлен Российысе просвещений министр С.Кравцов.

Всероссийский тергыме пашам кусарыме нерген шонымаш.

С.С.НЕФОНТОВ, Кужэңер район Шўдымарий школ директор: «Келге шинчымашым налаш тыршыше йоча шыжымат тергыме пашам сайын воза. А кызыт гын утларак кўкшў лектышым ончыкта ыле. У тунемме ий тўналмеке, вигак ВПР-ым эртарыман огыл. Кенжеж каныш деч вара ушештарыме урок-влак лийшаш улыт. Йоча тунемме процессыш ушнен шуктышаш. Иктаж октябрьыште гын, пеш сай ыле. Тунам лектыш куандарыше лийшаш».

Л.ГРИГОРЬЕВА мутланен.

Коронавирус шарлыме годым шарныза:

- ⊙ Обществанный верлашке, калык коклашке лекмыда годым маскым але респираторым чийыза.
- ⊙ Кажне кок шагат гыч киддам шовын дене мушса. Мўнгыштыда чўчкыдынак дезинфекцийым ыштыза.
- ⊙ Уремыште тўшкан погынен ида кошт!

Мўнгыштў тунемаш лиеш, но...

Тўнямбалсе йоча-влак семынак мыят кызыт онлайн йўн дене тунемам. Коркатово лицейыште кумшо классым туныктышо Нина Федоровна мыланна чыла предмет дене программе почеш кажне кечын заданийым пуа. Кўштымыжым шукташ тыршем гынат, чыла пашажлан шинчымашем ок сите. Сандене коча-ковалан, ача-авалан энертыде ок лий.

Мый шонем: чыла йўсым чытена, икмыняр жап гыч илышна тўрлана. Тунам уэш школыш ошкыл колтена да пырля тунемме йолташ-влак дене угыч вашлийына.

Даша СОШИНА.

Морко, Купсола.

#мўнгыштўшинчена

Конкурс

Марий Элысе пўр-тўс поянлык, экологий да йырым-йырысе средам

аралыме министерстве ден Йоча экологий да биологий рўдер школ лесничестве-влак коклаште «Чодырам тудеч аралена!» сўрет конкурсым увертареныт. Паша-влакым 30 апрель марте Йошкар-Ола, Ленин проспект, 24-ше «Б» пўрт адрес дене колтыман.

Юлия УСОВА.

Марий Турек посёлко.

26 апрель –
Марий талешке кече.

Кў тыгай талешке?

Кажне айдеме талешке лийын ок керт. Талешке уш да чон поянлык дене ой ырте малтшаш.

Шонен пыштымыж деке жапым шуйкалыде ошкылшаш, илышын кажне татшым шонен да аклен моштышаш.

Кажне жапын – шке талешкыже. Акпатыр, Онар, Чоткар, Акпарс ожнысо талешке-влак улыт. Нуно пенгыде, таза капкылан, шочмо мландышт верч шогышо лийыныт. Сар жапысе талешке-влак шочмо элыштым, калыкыштым арален кодаш тыршенят. Тений, COVID-19 чер шарлыме жапыште, Россий да моло эллан президентышт, эмлызе, киндым пыштыше, волонтер, маскым ургышо-влакым талешкылан шотлем.



Юлия УСОВА.

Марий Турек посёлко.

Йоча да самырык-влаклан В.Х.Колумб лўмеш книгагудо Сенгымаш кечылан пўлеклалтше «Как хорошо на свете без войны» республиканский конкурсым онлайн эртара. Кугу Ачамланде сарлан пўлеклалтше сылнымутан произведенийым сылнын лудмым видеош войзыман да rub_oo@mail.ru электрон адресыш 7 май марте колтыман.

Республикысе руштўвыра рўдер «Волшебное русское слово» регион-влак кокласе сылнымут конкурсым эртара. 7-18 ияш йоча-влак да кугыен-шамыч ушнен кертыт. Шарнымаш да чап идалык, Марий Эл, православий нерген шонкалымашан сочиненийым возыман. Паша-влакым 1 май марте centruskult@rambler.ru але rcrk12@mail.ru электрон адресыш колтыман.

Рособрудзор Шарнымаш да чап идалыклан пўлеклалтше «100 баллов для победы» всероссийский акцийым онлайн эртара. ЕГЭ-ште 100 баллым погышо ўдыр-рвезе-влак ончыкылык выпускник-влакын йодышыштлан вашмутым пуат, мастер-классым эртарат, экзаменым сайын кучымо нерген апрель мучко каласкалат. Соцкыллаште видеотрансляцийым #100балловдляпобеды2020 хэштег дене муаш лиеш.



Советский районысо Ургаш лицейште кум кадет класс уло. Тушто 60 йоча тунемеш. Лицей илыш нерген директорын воспитаний паша шотышто алмаштышыже Татьяна Павловна ДОМРАЧЕ-ВА палдара:

– Лүддымө, ушан лияш, шочмо элым аралаш – тыгай девиз кадет классыште тунемше кажне йочан ушыштыжо. Лицейыште келге шинчымашым налаш чыла йөн уло. Икшыве-влакын тазалыкыштым шуараш тренажёр залым кельштарыме. Лүйкалыме, вашпижме кредалмаш (рукопашный бой), спорт модмаш секций-влак, хор, куштымаш кружок пашам ыштат. Историйым йоратыше-влаклан «Исток» кружок моткоч онай. Тушто йоча-влак түрлө проектым возат.

Кадетын корныжо – эллан служитлаш

Тений Советский районысо Ургаш лицей «1941-1945 ийлаште Кугу Ачамланде сарыште калыкын геройло подвигше нерген шарнымашым аралы-маш» республикысе конкурсышто сеныше радамыш лектын.

2020 ий – Шарнымаш да чап идалык.



Кадет класслаште тунем-ше-влак физике да математике урок-влаклан жапым шуқырак ойырат: Российысе күкшө военный тонежлаш тунемаш пураш лач нине предмет-влак кұлыт. Умаште кадет классым тунем пытарыше 23 выпускник кокла гыч латкумытынжо ты профиль дене шинчымашыжым нолта. Йоча-влак олимпиадылаште уш-акылыштым тергат, түрлө таңасымаште мастарлыкыштым ончыктат. 2015 ий гыч Российысе ДОСААФ-ын Марий Эл регионысо пөлкаж дене пенгыде кылым кучат. Латикымше класслаште тунемше-влак парашют дене кажне ийын төрштат. Дамир Галаятдинов ден Ильназ Насыров кодшо ийын сертификатым налын-ыт. 2019 ийыште Москошто Кадет-влакын всероссийский погынымашышт 16-шо гана эртаралтын. Тунемшына-влак тушто түрлө номинацийыште икымше да кокымшо верла дене палемдалтын. 10-шо классыште тунем-ше ұдыр-влак «Устремлённые в будущее» всероссийский форумышто чолгалыкыштым ончыктеныт. Тыгак Катя Еменгуловам палемден кодын-нем. Тудо «Мыйын кугезе кочам» шымлымаш паша всероссийский конкурсын регионысо этапыштыже «Сенымашын кугезе уныкаже. Ешын историйже гыч элын историйыш» пашаж дене сенгыше лийын.

Е.ИВАНОВА.

Сенымашым лишемдаш полшен

Кугезе кочам Иван Степанович Степанов Шап Унчо ялыште шочын. Кугу Ачамланде сар годым Ижевск олесе оружыйым ыштыше заводышто тыршен. Фронтлан саргуралым, боеприпасым ямдыленыт. Кочам моло пашазе-влак дене пырля тошто, шүкшү, йүштө пörтыштө илен. Кочкыш шагалан көра пелешужышо мұшкыран пашаш коштын. Киндым, шылым да түрлө моло кочкышым фронтыш колтеныт. Кочам пашазе фронтышто тыршымыж дене сенымашым лишемдаш полшен.

Оля СТЕПАНОВА.
Морко, Шап Унчо.



Тынысым арален

Шочмо элнам тушман деч арален кодымылан тений 75 ий темеш. Мемнан еш гыч сарыште кредалше лийын мо? Тиде йодыш ушыштем эре пörдын. Кочам ден ковам деч польшым йодым. Пален налым: кугезе кочам Михаил Григорьевич Янгелов Морко районысо Кугу Шале ялыште 1905 ийыште шочын. Ончыч финн сарыште, вара Кугу Ачамланде сарыште кредалын. Кугезе кочамын сар корныжым пален налаш нелырак ыле. Сандене авам дене коктын Память.народа.ру сайтыште кычална. Кугезе кочам «За боевые заслуги», «За победу над Германией» медаль-влак да Йошкар Шүдыр орден дене палемдалтын. Мый кугезе кочам дене кугешнем!

Анна ВИНОГорова.

Звенигово, 2-шо номеран
Красногорский
школ.

Сенымашлан – 75 ий





2020 ий – Шарнымаш да чап идалык.

Утлен ом керт

...А тымык йырым-йыр тугае ~
Колам шүм кырыме йүкем,
Чодыраште пуйто шиште кайык
Шолткен чўнга кукшо шопкем.

Но тиде тымык кенеташте
Нангайыш мыйым сар лонгаш.
Тыгае тымыкым войнаште
Моткочак шучко колышташ.

Нигушто ик йўкат ок шокто –
Тугае шып шога йыраваш...
Тўтанлык вий – артподготовка –
Вот-вот рашкалт кая торааш...

Вот-вот салтак, окоп гыч лектын,
Шенгеке ончалде куржшаш.
Ик мут – «Ура-а!» гына чонетлан
Ўшанле вийым пуышаш.

Кава шемемын вуй ўмбалне,
Шыдештын, толкыналт пўрдеш...
А йолташем, торааш ончалын,
Лышташла мландыш камвозеш...

Уремыш таче мые лектым
Яндар юж денё шўлалташ.
Но нигузе утлен ом керт мый
Сар шучко корно деч торааш.

С.ВИШНЕВСКИЙ.

«Шо-
нанпыл»
й о ч а
организа-
цийын ак-
тивист-
ше-влак
И з и д а
(З о я)
Н и к о -
лаевна
Ф и л и п -
п о в а м
(ты не ш
пуртымо
л ў м ж ő
З о я ,



Фотом еш архив гыч налме.

Зоя павайлан – 90 ий

садлан ялыште тыге маныт) 90 ий темме юбилейже дене саламлаш мийышна. Зоя павай пеш куаныш: тудо ятыр ий школышто техслужажий да школ пеленысе интернатыште йўдымсö няне лийын. Йоча-влакым пеш йöрата.

Зоя павай война тўналме жаплан 11 ияш лийын. Шуко неле-йöсым чытен лекташыже пернен, кугурак-влак дене тöр пасуштат, фермыштат пашам ыштен. 60 ий марте шуко тўрлö пашаште тыршен.

Кызыт Пötъялыште Толя эргыжын ешыж дене пырля ила. Чыланат тудым йöратат да пагалат. 14 уныкаже, 26 кугезе уныкаже куандарат.

Пиалан шонгылыкым тыланен, тунемше-влак Зоя павайлан шочмо кечыже лүмеш мурым мурышт, тудат пырля муралтыш. Шокшо чай дене сийлен, пырля мутланен шинчыш, йоча-влакын тунеммышт нерген йодышто. Кугу куан дене ужатыш, эше толаш шўдыш. Таза лий, Зоя Николаевна! Тендан ончылно вуйнам савена.

Алина ТАРАСОВА.

Волжский, Пötгъял.

Историйым шергалына

1945 ий 25 апрельыште Эльба эгер серыште верланыше Торгау ола (Германий) воктене совет да американ войска-влак вашлийыныт. Фашист-влак ваштареш пырля кредалше-влакын Эльбыште кидым ваш кучымашышт иза-шольыла келшен илымашын символжо лийын.

Сар, манаш веле, калык-лан мучашдыме орлыкым конда.

Ш.ОСЫЛ.

Сенымашлан – 75 ий

Увер

Республикысе мари тўвыра рўдер Марий талешке кече вашеш «Ший талешке» республиканский шымлыме паша фестивалыым эртара. Тений тудо Марий Элын 100 ияш лүмгечыжлан да Кугу Ачамланде сарыште Сенымашлан 75

ий теммылан пöлеклалтын. Шымлыме пашалан кок теме темлалтеш: «Мыйын ешем Кугу Ачамланде сарыште» да «Марий Эл – чапланыше ен-влакын кундемже».

Фестивалыш ушнаш йодмашым mari-centr@mail.ru электрон адресыш 30 апрель марте пуаш лиеш.

Кугу сар годым совет салтак-влак уло тўням öрыктарыше подвигом ыштеныт. Шочмо мландын эрыкше верч илышыштым чаманыде кредалыныт. Владимир Богомоловын «58 кече тул коклаште» ойлымашыжым («Ямде лий», 2020 ий 14 март) лудын, ме эше ик гана пален нална: совет салтак мондаш лийдыме геройлыкым, чулымлыкым, патырлыкым ончыктен.

Ойлымашым лудмеке

Анна ГЕРАСИМОВА.
Морко, Коркатово.



«Ямде лий» 2020 ий 25 апрель




Лүм: Зинаида Мартыновна Портнова.
Шочын: 1926 ий 20 февраль, Ленинград.

Подвиг: 1942 ийыште «Юные Мстители» подпольный организацийыш (Витебский область, Оболь станций) ушнен. Зина немыч офицер-влакым ямдылыме рүдерын кочмыверышкыже эрыктышылан паша пурен. Йöным муын, шүрыш коля эмым ешарен. Шүдö утла немыч офицерым пытарен. К.Е.Ворошиловын вуйлатыме партизан отрядыште 1943 ий август тылзе гыч разведчик лийын.

1944 ийыште 17 ияш үдырым казнитленят.

Чап: Санкт-Петербургысо Киров районысо урем, Белоруссийысе Оболь посёлкысо школ лүмжым нумалыт. Санкт-Петербургысо 608 №-ан школышто З.Портнова лүмеш музей уло. Самара кундемысе Ягодное селаште памятникым шогалтыме. 1958 ийыште З.Портновалан Совет Ушем Герой лүмым пуымо.



#пионер ГЕРОЙ

2020 ий – Шарнымаш да чап идалык.



Парадым кусарыме

Россий Президент В.В.Путин элыште коронавирус инфекций шарлымылан көра Сенгымаш парадым да чыла мероприятийыым кусараш темлен.

– 9 Май – россий калыкклан инуй кече, тыгак кажне ефын илышыже шерге. Сеңгымаш парадлан ямдылалтмаш кызыт, тиде кечылаште, тўналмаш. Но эпидемийлан көра моткоч кугу лўдыкшиö уло. Садлан чыла тиде сомлым лач ты жапыште тўналын огына керт, – ойлен В.В.Путин.

Президент Йошкар площадыште парад да «Бессмертный полк» акций 2020 ийыште эртаралтыт манын пенгыдемден. «Ме лўдыкшыым корандена, – ойлен В.В.Путин. – Тунам Сеңгымаш пайремтым шокишын да кугу кўкшытыштыö эртарена. Вет 2020 ийым Шарнымаш да чап идалык семын увертарыме».



Российыште кажне еш 9 Май пайремым акла, кугезе тукумжым шарна, шўмыштыжö ашна. Сандене ты кечым ны кусараш, ны корандаш ок лий. «Сеңгымаш кечын кажне еш ике геройжым шарналта, вуйжым сава, таум ышта. Ветеран-влак мемнан поро шомакнам колышт, нунын верч азапанымынам ужыштыт да шижыштыт манын чыла ыштена, чуыр вийкуатнам пыштена, – ойлен Президент. – Ушанем, теният 9 Май молгунамсе семынак уло калыкым иктыш уша».

Л.ГРИГОРЬЕВА ямдылен.

Палаш онгай



Л.Л.Ермаш лүмеш Д-3 торпедный катеран окса. Леонид Львович Ермаш 1935 ийыште Ленинградые судостроительный институтым тунем лектын. Сар жапыште унифицированный военный катерын тўн конструкторжо лийын. Д-3 икымше мореходный торпедный катерын конструкторжо.



Совет салтакым шарналтен

Н.А.Заболоцкий лүмеш 2-шо №-ан Шернур школысо «Грация» ансамбльыш 5-11-ше класслаште тунемше-влак коштыт. Нунын коклаште: Вадим Александров, Егор Смоленцев да Иван Мошкин (**снимкыште**). Рвезе-влак Кугу Ачамланде сарыште Сенгымашлан 75 ий теммылан да Марий Элын 100 ияш лүмгечыжлан пöлеклалтше «Шочмо мландын кугу вийже» калык усталык фестивалыште мастарлыкштым ончыктеныт. «Шучко сар кажне ефын чоныштыжо шем палым коден. Ме, самырык-влак, коча-кована-влакын подвигыштым шарнышаш улына. Совет салтак-влаклан йöсö лийын гынат, шочмо верым шарналтен, сенгымашым лишемденят. Тидым ме куштымаш гоч ончыктена. Кугу таум ансамбльым вуйлатыше О.В.Васильевалан ойлена», – ойлат рвезе-влак.



Е.ИВАНОВА.

Кугезе кочамым, Павел Иванович Ивановым, 1942 ийыште сарышке налыныт. Эн ончыч тудо повар лийын. Вара казачий полкыш колтенят. Тушто кочам кавалерист лийын, Эстоний марте шуын. Тудын шуко наградыже уло. Сар деч вара кочам апшатлан пашам ыштен. 1974 ийыште колден.

Дима ЕФРЕМОВ.
Кужэгер, Руш Шой.

Авторын фотожо.

Сенгымашлан – 75 ий

«Ямде лий» 2020 ий 25 апрель





2020 ий – Шарнымаш да чап идалык.

Келшыше мутым шынде.

Кугу Ача-мланде сар годым фашист-влак ваштареш ятыр марий писатель крeдалын. Нунын кокла гыч сар _____ ден _____ сар

нерген романым сереныт. В.Иванов _____ романым возен. Тудо _____ ийыште савыкталтын. Тунам Сенгымашлан _____ темын.

А Н.Лекайн романже нерген ик погынымашыште манын: «Тиде роман _____, _____ возалтын». У произведенийым _____ манын лүмден. Эн сай произведенийлан эртарыме конкурсышто романлан _____ премийым пуэныт. Фронт гыч пöртылмеке, писатель романжым тöрлен да _____ лүмым пуэн.

В.СМИРНОВ ямдылен.


нат колтылыныт. Война жапыште нуно 15 тўжем наре «голубеграммым» намиен шуктеныт. Шулдыран йолташ-влакым ты сомыллан лүмын туныктеныт. Фотом ышташ келыштарыме аппаратым коклан көгөрченын онгешыже пижыктен колтеныт. Тыге тудо тушманын саргуралже, кушто да кузе верланымыже нерген уверым конден.




Николай ЛАТУХИНЫН сүретше. Советский, Öрша.

Онгай


Кугу Ача-мланде сар годым почтым да күлешан уверым көгөрчен-влак ден



Ойыртeм-влакым муза.



Пўжкын луктын, танкым ыштыза.



Чап тылат, совет салтак!

«58 кече тул коклаште» ойлымашым («Ямде лий», 2020 ий 14 март) лудмо деч вара.

Владимир Богомолыын «58 кече тул коклаште» ойлымашыже чын факт негызеш возалтын. Павловын пöртшö нерген мыланна туныктышо-влак каласкаленыт. Мый тиде произведенийым лудымат, шоналтышым: 58 кече совет салтак-влак ик пöрт верч крeдалыныт! Кок тылзе наре. Теве тыге ик пöрт, ик метр, ик корно, ик пушенге, ик салтак верч мемнан кугезе кочана-влак Кугу сарыште крeдалыныт. Ме, кызытсе тукым, тидым нигунамат мондышаш огынал.

Яна ДМИТРИЕВА.

Морко, Коркатово.

Мыйын кугезе кочам – Михаил Васильевич Орлов. Тудо сусыр салтак-влакым сöй пасу гыч имне дене луктеден. Кочам лүддымö, виан, патыр лийын. Берлин марте шуын. Мемнан ешна кугезе кочана дене кугешна.

Саха ОРЛОВА.

Марий Турек,

Сысоево.

Сенгымашлан – 75 ий



«Ямде лий» 2020 ий 25 апрель

Кайык кокай

Лек тый уремьш эрден
Я кечывалым – олашке:
Тудын почеш чонештен
Коштыт чанаже, коракше.
Теле ма, шыже лүшка,
Толын кегеж але шошо,
Тудо асфальтыш кышка
Тарым, шыдагым я шожым.
Чесле могай тудын чон,
Погымо порылык
шер гыч...
Куржо почешше мочол,
«Кайык кокай!»



манын эргым...

А.ТИМИРКАЕВ.

Синквейн

Шошо
Вучымо, шокшо.
Блыжеш, тўзлана, пеледеш.
Сылне пагыт.
Илышна.

Валерия КИРИЛЛОВА.
Морко, Шўргыял.

*«Ямде лий»
газетын вес
номерже
9 майыште
лектеш.*

**22 апрель –
Мландын тўням-
бал кечыже.**



Сўретьым чиялте.

Пельменьлан памятник

Ижевск
олаште
(Одо
кундем)
пельменьлан памят-
ник уло. Тудын кўк-
шытшо – 3 метр.
Пельменьын диа-
метрже – 60 санти-
метр. Тудым 2004
ийыште шо-галте-
ныт. Удмуртла пель-
мень «пельнянь»
лиеш.

Удмуртийыште
«Пельменьын
тўнямбал кечыже»
фестивальым эртарат.



Фотом Интернет-гыз налме.

**Палаш
огай**

Пластилин гыч тыгай
мимозым ыштен кертыда.

Мастар кид



Тунемза йот йылмым

23 апрель – Англичан йылмын кечыже.
Ме школышто тиде йот йылмым тунемы-
на. Мыйын шонымаште, тудым кыртмен
тунемман, молан манаш гын кушко от
ончал, чыла вере англи-
чанла возымо. Вес элыш
кайынет – англичан йыл-
мым палыман. Кызыт
руш йылмышкат ятыр
англичан мут пураш
тўналын. Англичан йыл-
мым тунемаш кызыт шуко йөн
уло. Тунемза йот йылмым, шочмо йыл-
мыда нергенат ида мондо.



Олеся ВОЙКИНА.

Шернур, Эшполдино.

«Ямде лий» 2020 ий 25 апрель



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий
Эл Республикысе культур, печ-
ать да калык-влакын пашаш
шотышто министерстве, «Ямде
лий» газет» кугужаныш уни-
тарный казна предприятий.

Газетым редакцийыште погы-
мо да верстатлыме, «Марий Эл
Республикысе Правительствын типографийже» ООО-што
ямде оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Массовый коммуникаций
сферыште да культур наследийым
аралымаште законодательствым шук-
тен шогымым эскерыше Федеральный
службын Приволжский федеральный
округысо управленийыштыже регист-
рироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымаш-
ышт тўрлў лийын кертыт. Серыш-
влак мўнгеш огыт колталт.
Ак – кутырен келыме почеш.

Редакцийын да издательын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пўрт.
Тел. 8(8362) 45-22-82(факс)

Конкурс

Мыйын сурт сомылкам



Галина ТРОФИМОВА.
Морко посёлко.



Матвей ФОМИНЫХ.
У Торъял, Токтарсола.



Ава эр-гыжым алаш пышта:
— Жапалте, эргым. Очыни, омымат ужат?
— Уке, авай. Але рекламе кая.

Ача сер воктеке лишемеш да ведрашке ончалеш:
— Молодец, эргым, тынар колым шкеак кучен кертынат мо?
— Уке, шукш-влак полшеныт.



Физкультминутко



Куанен кечылан



Лыве верже гыч тарваныш,
Кумыл шочо чонешташ.
Кече лекмылан куаныш.
Шкат ок пале, мом ышташ?
Ну, пёрдеш, куан ден темын,
Йывыртен пеледышлан.
Лыве семын чонештем мый,
Куаналын кечылан.

Н.ИЛЬИНА.
Волжский, Карай.

Ўмылкаш-тым муза.



Ик шырпым верже дене вашталтен,
чын вашмутым ыштыза.



Маскагым сүретлен пытарыз.

Кроссворд



Шомак-влакым марлаш кусарыз.


- 1.Яблоня. 2.Яблоко. 3.Окно. 4.Белый. 5.Белуга. 6.Луг. 7.Окунь. 8.Белый гриб.

Никита ХАЛТУРИН.
Советский, Ёрша.

Задаче

Мыняр йолан янлык?

— Кочай, могай янлыкым чодыраште ужыч? — йодеш Вачи.
— О, мый таче чодыраште кок ончыл, кок шенгел, кок пурла да кок шола йолан янлыкым ужым, — вашешта кочаже. — А ынде, Вачи, шоналте: тиде янлык мыняр йолан?



Кудо карандаш эн йымалне кыя?



«Ямде лий» 2020 ий 25 апрель

Интернетысе сүрет-влакым кучылтмо.